

精华录笺注

精華錄箋注

凡例

一山人諸集編年不分體今是錄案諸集排續分十二卷山人出處可以概見且集中大半于役之作川涂險阻雨雪往來讀者即目瞭然非獨少陵號為詩史也

一山人成進士後益奮力為歌詩見於阮亭初藁自序又山人晚歲云得第重逢辛卯歲刪詩斷自丙申年是錄蓋始自順治丙申也

一山人蠶尾集自序云偶次甲子使粵以前及丁卯以後詩文為蠶尾集甲子冬及乙丑年所作別為南海集案帶經堂集不復系年然蠶尾集

始於甲子其冬奉使粵行至乙丑六月戴事今
以甲子使粵以前詩次於漁洋續集癸亥後丁
卯以後詩次於南海集後其間丁卯戊辰己巳
庚午辛未仍是案詩編次非妄撰也蠶尾續集
乙亥至甲申今錄中所登之詩僅七首則自庚
辰止也雍正集則專屬丙子歲

一山人漁洋前後集蜀道南海雍正蠶尾諸集合
山人蜀道驛程記秦蜀驛程後記隴蜀餘聞皇
華紀聞長白山錄南來北歸二志廣州遊覽小
志叅注之一可得親歷之真一可訂沿訛之失
一山人漁洋文集蠶尾文集池北偶談居易錄香

祖筆記古夫子亭雜錄漁洋詩話分廿餘話詩
中本事具在用爲箋注無庸臆決

一自注於精華錄外其見於原集者間亦補入

一原錄所書不無訛字照諸集并帶經堂集改正

一原錄中~~變~~有參錯要亦分體而不遑檢校如漁

洋集中送吳天章歸中條山詩編年戊申又送

天章歸中條近體二首編年已酉古體月始在

房羣陰終云云近體二月春燕綠云云想申冬

擬歸未果至酉春倣裴故近體原題有再字可

證如入丁未誤矣又荅鍾聖輿送芍藥送王石

谷南歸二詩原編蠶尾續集不得入南海集中

體例編年宜覈原集案年次第何敢多所牴牾
一 百家及說部一事而互見者不一茲隨見聞徵
引不必添注亦見再見某書等字

一 注家有一事而再三見者幾如贅疣駢拇是書
或見於前或見於後俱注明見某卷某詩而仍
有重複者事有正用旁及義宜此畧彼詳故耳
一 玉篇云箋表識書也與牋同又云注疏也解也
按此箋為表識明其意也注為疏解通其義也
鄭立於經曰箋向郭於莊曰注邇者若錢受之
杜詩箋注朱長孺義山詩箋注無異辭錢則於
注外又有箋而朱則僅見焉要而論之則不得

以引據故實爲注以疏解詩意爲箋分別而專
屬之即朱氏注杜附見錢注槩曰錢箋可知
一王逸注騷李善注選俱分疏句下意取覽者之
便至杜詩總注於全詩之後變例於劉須溪再
見於錢受之各行其是必謂分疏句下謂橫隔
詩句過矣

一山人交游官爵里居有略有關考據未周故也
一箋注緣起於康熙庚寅歲讀錄中詠史小樂府
尋繹三國志爲之標識行間山谷云杜詩無一
字無來歷山人亦然自是殫力搜討歷卅餘年
至雍正甲寅冬注藁僊定

一近體中注兼采之徐君夔龍友乙卯秋於友人處得惠君棟定字注本喜其該洽而於當代事頗爲周悉亟錄之以補余所未逮

一山人諸集序言都不存惟以虞山一序并贈詩弁首昔計改庭欲爲山人序漁洋集一月不成僅跋其尾況夫後進淺學乎故以諸家評說附錄於原序後不敢爲一辭之贊也

一閒以鄙見忝竊而別以按字蠡測莛撞敢云一得

一開雕後時有弋獲不便增入卷內而惠注復不能捐愛爰倣朱長孺注義山詩例而小變之補

注總附於十二卷後

一錄中未經考據者姑闕之以俟博雅

一徐子淮岱陽先子晚年高弟是錄欣助纂輯而

按疑正謬之功尤多

丙戌四月峰已歸於武為

舊書疎



書

西

五

子

中

十

漁洋山人精華錄箋注總目

卷一

漁洋集 順治丙申丁酉戊戌己亥庚子

古今體詩一百三十九首

卷二

漁洋集 辛丑 康熙壬寅癸卯

古今體詩一百七十一首

卷三

漁洋集 甲辰乙巳丙午

古今體詩一百五十六首

卷四

漁洋集 丁未戊申己酉 漁洋續集 辛亥壬子

古今體詩一百十二首

卷五

蜀道集 壬子

古今體詩一百五十五首

卷六

蜀道集 壬子 漁洋續集 甲寅乙卯

古今體詩一百七十四首

卷七

漁洋續集 丙辰丁巳

古今體詩一百十九首

卷八

漁洋續集 戊午己未

古今體詩一百十二首

卷九

漁洋續集 庚申辛酉

古今體詩九十三首

卷十

漁洋續集 壬戌癸亥 蠡尾集 甲子 南海集 甲子

古今體詩一百十七首

卷十一

南海集 乙丑

古今體詩一百六十四首

卷十二

蠶尾集
尾續集

丁卯戌辰巳巳庚午辛未
乙亥至甲申卷內詩生於庚辰

雍益集

丙子

蠶

古今體詩一百八十五首

書公卿有一百八十五條

卷十二

古今圖書集成

皇清誥授資政大夫

經筵講官刑部尚書王公神

道碑銘

刑部尚書新城公既歿之明年公之孤啓涑等奉狀
走京師千里屬余銘公墓道之碑余惟公以詩古文
詞宗盟海內五十餘年海內公卿大夫文人學士無
遠近貴賤識公之面聞公之名者莫不尊之以爲泰
山北斗凡公所撰著與其所論定家有其書戶誦其
說得一言之指示奉爲楷模經一字之品題推爲佳
士蓋本朝以文治天下風雅道興鉅人接踵而一
代風氣之所主斷歸乎公未有能易之者也獨是公
之一生受聖天子特達之遇自郎署改官禁近躋

位九列風猷節概卓卓乎有與文章著述相表裏者
而天下重公起衰拯敝揚風訖雅之功以爲公不朽
之業於是乎在而其莅官行事之蹟或僅指爲他人
之所難而非公之所重而其實公之文章與公之事
業固並昭揭於天壤間而未可軒輊論也余請得掇
其大略曰知人之明曰持身之潔曰卹民之慈曰用
刑之慎始公之在翰林也與睢陽潛菴湯公斌未相
識也而心重其賢會己未 詔舉博學鴻儒九卿大
臣各以所知薦公言於大司寇魏公象樞曰此 朝
廷非常之典公素以學行聞天下薦士不當專論文
藝必得人品學問如湯某者乃可以應詔魏公韙其

言遂拜疏特薦湯公湯公後出撫江南入爲大宗伯
稱 本朝理學名節第一天下競知湯公之薦由於
魏公而不知魏公之薦湯公實由於公也故曰知人
之明也曩者事例之開也或由軍興或由賑饑或由
河工皆不得已以便一時之用事過輒罷實非 上
所注意也而貪冒者輒因之以爲利在計部則尤爲
會計出入之所易於染指癸酉甲戌間公任少司農
時方以秦中大饑行入粟例公預戒所司不得以一
呈一稿至前先後七年始終矚然無所與其督理錢
法也例故有呈樣錢公至立禁革之終任不遣一人
至錢局其持身之潔如此公之司理揚州也揚故有